

تورک یوردی

ناشری : تورک یوردی .

مدیری : آق جورہ اوغلی یوسف .

۵ آشرین اول ۱۳۲۸

یل ۱

صافی ۲۴

①

دېنك دفترى

يېرمنجى عصره

آلنكده هر برى قارانلق بردوشونجهنك ايزى اولان كوجوك چېركيلر ،
 كوزلركده هر كونه كوره ده كيشن قورناز شعله ، يوزكده انساني بياض رنگدن
 ايكړه نديرن قالين وقابا دوزكون ، دوداقلركده قان لككلىرى اورتمكك اوغراشان
 مشنوم آلاق ، دېلكك سيورى وېنه اوچنده كېزلى زهر ، سن ده آفاك وبوتون
 بويوك آفالك كې بر قجه سك ، يېرمنجى عصر !

داها اون ايكي ياشنده كنج بر قجه قېزك ... دوغديغك كوندن برى ،
 آنارليك يوزر ... نه عېنى طراوتله ياشانان ، قېرميزى بانويى آلمق ايچين ، قاج
 كره ، ارضك سياه كو كسنده انسان قانندن حوصلر ياپدك . وهر ييقايشدن سوكره
 قېزىل صاچلرېكك قانلى قيناسنى تسليلىرىنى غائب ايدن صاييسز انسان قىلىرىنك
 آتشى قارشىسنده قوروتوركن يالان وريا فيش قېيران قېزىل دوداقلركله كوزمل
 ويوكسك شيلر ترنم ايندك ...

سكا فن عصرى ، حقيقت عصرى ، سكا مدنيت عصرى ، ترقى عصرى ،
 سكا حق عصرى ، صالح عصرى ديورلر . غافلر ! ... فقط بن سنى دالما كندى
 آدكله جاغيراجم ، يالان وقان عصرى !

سلالهك پك آسكيدر : قابل قارده شى هابل عليهه قالقوب اونى قتل ايله دېكى
 ورب اوكا « سن نه ايشله دك ؟ قارده شكك قانلى طوبراقدن بكا فرياد ايدييور .
 وشيجمدى سن ، قارده شكك قانلى سنك آلكدن آلمق ايچين آغزىنى آجان
 طوبراقدن ملعونلك . طوبراغى حرائت ايتديكك وقت آرتق او سكا بركتنى
 وېرمه به جك ؛ ير يوزنده فرارى وسر سىرې اولاجقسك ... ديهه خطاب
 ولغت ايتديكى زمان سنك ، حياتنك تاريخى اونوتولان ، ايلك آفاك واردى .
 وجهره سنده ملعون بر شوقك شمع سيله طوبراغك اسمر يوزىنى قېزارتان
 بوايلك انسان قاتنه باقيوردى . بويولو بر شراب كې يالكز منظره سى بيله اوكا
 سوينج سرخوشلنى وېرن بومعصوم قانله دوداقلرىنى ايصالايركن ربك لغتيله

روحی لکله ن قایل عذابه تیرمه یوردی ... اوندن بری نه قدر آنالک نه قدر
 قانلر یالادیلر ! کیم بیلیر هانکی مجهول آلرک انسان یوره کلرینه سرپدیکی حرص ،
 ابتلا ، کین ، غرض تخملرینی کورونمز و سس سز آدیملریله کچرکن یتیشدیروب
 بویوته رک میوه لرینک قیرمیزی عصاره سنده منفور آچقلرینی تسکین ایتدیلر ... !
 بو بویله چوق ، چوق دوام ایتدی . لکن حیاتنک تاریخی ایلک ضبط
 ایدن آنالک اونو بویوک مسیحک دوغدینی کون آتدی . و بویوک مسیح شفقت
 و مرحمتله تیرمه بن صمدانی برصدا ایله مقدس دوشونجه لرینی حایقیریرکن حیاتنک
 تاریخی ضبط ایدن ایلک آنالک ، داها یکی دوغمش برشیطان ، ارضک هر طرفنده
 قولاقلری بومعظم صدایه طایقاپور ، کنساهدن قاراران کوزلری اونک باشنده
 پارلایان نجات نورینه قاپاپور ، اونک سماوی قلب منبضدن طاشان مرحمت و تسلی
 زلالی صومسایان دوداقلردن اوزاقلاشدیریوردی . بویوک مسیح گمراه
 مغیوتلره قارشى دائما آجیان و اوقشایان سنک آلابیله جکی صولک حاکم قابلیتیه
 « آسکی زمان آدم لرینه : قتل ایتمه ؛ هر کیم قتل ایدرسه حکمه مستحق اولاجقدر
 دینلیدیکنی ایشیتدیکنز . فقط بن سزه دیرم که هر کیم قارده شنه سیب سز غضب
 ایدرسه حکمه مستحق اولور ... کوزه کوز و دیشه دیش دینلیدیکنی ایشیتدیکنز .
 فقط بن سزه دیرم که فسالقه قارشى دورماییکز . هر کیم سنک صاغ یاناغکه
 وورورسه اوکا اوبرینی ده چویر ... قومشوکى سو و دشمنکه بغض ایت دینلیدیکنی
 ایشیتدیکنز . فقط بن سزه دیرم که دشمنلریکزی سویکز . سزه بد دعا ایدنلره
 خیر دعا ایله ییکز . سزه بغض ایدنلره اییسلک ایدیکنز ... و سزی انجیتلر ،
 سزه تعدی ایدنلر ایچین دعا ایدیکنز ... زیرا رب کندى کوناشنى فنالر و اییلر
 اوزرینه دوغ دورور و یاغ مورینی صالح و فاسق هرکس اوزرینه یاغ دیریر ... ،
 دییه دینک صلح و شفقت اساسلرینی تلقین ایدرکن حیاتنک تاریخی ایلک ضبط
 ایدن آنالک اونلرک قولاقلرینه کین و خصومت اوپاندیران صیحه لر ، کوزلرینه
 ظلم و غضب آله وله ندیرن آتشلر دوکیور ، صوسزلقدن چاتلایان دوداقلرینه
 صاف و بلور محبت و خیر ایرماقلری رینه یاقوت دالغالری اوزرنده اوزاق بر
 اقلیمه دوغرو روحلر سیاحت ایدن قان دره لری کوستیریوردی . و اونلر

مسیحک دوداقلرندن وکندیلرینک وجدانلرندن یوکسک سسه صاغیر ،
معنویت کوزلری قالین برضالال کیجه سنک درینلکنه باتمش ، چاتلاق دوداقلرند
وحشی بر یاغسارا ، آتیلیورلر ، آتیلیورلر ، کندیلرینی ماوی کوکه باغلایان
روح رابطه لرینی آزعین دیشلریله قوپارارق دوشیورلر ، قارده شلرینک قانشده
یوزویورلردی . وآنلاک بو اریمش آتش ده کیزینک اوستندن خفیف بر روزکار
کبی کورونمز آدیملریله کچرکن آیاقلرینک قیناسی نازله یور ، آرا صبرا قهرینه
دالارق صاجلرینک صولان تللرینه قیزیل جلاسی ویریوردی ...

بو بویله چوق ، جوق دوام ایتدی . نه زمان بویوک بر وجدانک سی
دنیاک قانله قیزاران افقلری آراسنده یوکسک ایتسه دیسه بر وحشت نعره سی
ایچنده بوغولدی . ائک مقدس عنملر نارین برخولیا شکلنده تیرمیدی ، سوندی .
وآنالریکک بوتون حیات حکایه لرینی دولدوران و بویایان قان نهری آقدی ،
آقدی ، آقدی ...



بوکوند ده سن یاشایورسک ، کنج قجه . ومنحوس حیاتکک اون ایکنجی
سنه سنده کندیلرینی ماوی کوکه باغلایان روح رابطه لرینی آزعین دیشلریله
قوپارانلر ، رفق وملایمتک ، شفقت ومحبتک مؤکلی اولان بویوک مسیحک
مظلومیتنی تمثیل ایدن صلیب آلرند واونک بوتون روحک قونیه لغت ایتدیکی
وحشی وجاناوار امللر یوره کلرنده ، برلشمشله ، قانسه صوصادقلری ملتله هجوم
ایدیورلر .

بوکوند ده سن یاشایورسک . خیر ایتک ایچین جمعیتلرک ، خسته لره شفا
ویرمک ایچین اولرک ، قان دوکنلری جزالاندیرمق ایچین محکمه لرک ، صلح
ومسالمتی قوروومق ایچین هیئتلرکله سن یاشایورسک ، یالان وقان عصری !

هایدی حاضرلان ، کنج قجه ، صاجلریکی جوز ، صویون ،
ارضک سیاه کوکسند قاندن کوللر ، ده کیزلر اولاجق . صاجلر یکک صولمش
تللری وارسه و آفریقاده دوکولن قانلر اونلری بویامغه یتیشمه دیسه شیمدی
داها چوق ، داها چوق آقاجق . ویا قوت دالغاری اوزرنده اوزاق براقلیمه
دوغرو روحلر سیاحت ایدن بوقان دره سنده سن ، چهره کده ملعون برشوقک

شعشعه سیله ، ییقانیرکن نه قدر امیدلر سولاجق ، نه قدر کوزلر قاراراجق ، نه قدر بویونلر بوکوله جک ، نه قدر قوللر یانان کوکسلر اوزرنده بوش قاپاناجق ، نه قدر اوچاقلر صاحبسز و دومانسز قالاجق ...

۲۹ ایلول ، ۱۳۲۸

مستسخی

مهول ساهر



آه آناجم

بن ضیافته الک صوکره کلمشدم ، قدحلر قیرلمش ، چیچکلر دوکولمش ، دعوتیلر اوزاقلره داغیلوب کیتمشدی . قونییه برتپه نك اوستندن ، روحلری تجرید ایدن براقشام آرمسندن سیر ایدیوردیم . اونك احتشام کونلرندن جوق زمانلر صوکره کلن بر زائر متأثردم . آرقه مدده سرنکون اولمش بر سرای ، کوزلرمك اوکنده ییلدیرملره ییقلمش منساره لر ، سنه لرله ، دیوارلرینك بهار مینا وزمردی خراب اولمش جامعلر ، ترپه لر واردی . طاقه لی داغنك صرتلری آرقه سنده ضیالرینك ، رنگلرینك اتهائی شملکنی ترك ایده رک کونش غروب ایتدی . کیجه نك قارانلغنه یواش یواش کیردیکمز بو دقیقه لرده ، افول ایتمش دورلرک فنای ایدیسنی نفسلری تضییق ایدن عمیق بر ملال ایچنده دویور ، آکلیوردیم . آياقلرمك آلتنده رومالیلرک ، صوکره بیزانسیلرک الکاسکی زمانلردن قالمش آثارینی اورتن طوبراقلر ویاغمد ، قالین دیوارلری ایچنده سلجوق سلطانلرینك مشکائف اویقولری امتداد ایدن اعصار دیده برجامع دوریوردی .

شیممدی هر طرفده کونك ضیالری درجه درجه صرجه لرک ، جینیلرک اوستنده احتضار ایدیور . حالا کوزلرمده مفرط کوزللیکنك حزنی کزدیردیکم نادیده جوهرین کمرلرک ، ایچی اویولمش بیوک زمردلره بکزه بن قبه لرک آلتنده کیجه آرتق بسبتون حلول ایتشدر . آناطولینك ده کیزلردن اوزاق ، سهاره یقین یوکسک اووالرنده ، قدیم هجرتلرک سفرلرک رهکذاری اولان بر